

**Landesbibliothek Oldenburg**

**Digitalisierung von Drucken**

**Jahrbuch für das Oldenburger Münsterland**

**Vechta, Oldb, 1969-**

Erika Täuber: Das ehemalige Schullandheim am Dümmer

**urn:nbn:de:gbv:45:1-5285**

---

*Erika Täuber*

## Das ehemalige Schullandheim am Dümmer



Lüe gaoh't vörbi,  
aower Schaulkinner  
sünd hier nich mehr.  
Dei hebbt dat  
nu bäter,  
dicht an 'n  
Dümmer staiht  
dat neie Huus.

---

*Maria Rottstegge*

## Tüskenspill an Deck

Dei Anfohrt nao 'n Anleger un dat Inschippen har ick achter mi brocht. Ick stünd midden up 't Deck tüsken den Knüdel van Mensken, dei för Daoge off Wäken ehre Freitied up Spiekeroog taubringen wulln.

Wo ick uck henkeek - aal's fraidige Gesichter.

So 'n Urlaub schall ja uck 'ne wunnerbore Saoke wäsen, - un ick sülwst wör nu dicht dorbi, äöwer den Hemmkloß wegtauspringen. Dat eiste Schipp har dei Insel vör Stunnen all anloopen. Sicher harn dei Lüe ehrn Kaffeepraot achter sick un dei Rüme betrocken. -

Wat möchden dei upkieken, wenn ick at Leste achterantrudeln köm! Wo ick doch in densülwigen Bus henkort wör! - Mi köm dat Lachen an! - Nee, wenn ick dat tau Hus vertellen de! -

Ick hör miene Bekannten all luuthals kriesken! - Nich tau glöwen! - Mit 'nmaol weidelt mi so 'n wunnerboren Gladiolenstruuk dweck äöwer dei Näsen. Vör mi staiht 'ne nette, olde Daome, dei den Blaumenstruuk in 'n Arm hollt, dat dei van dei välen Lüe nich verdrückt wedd. Dei Junge näben ehr stellt mi dei Tasken bold uppe Fäute. An 'n Anleger staiht 'n Mann, dei heff dei beiden woll an 't Schipp brocht. Dei weidelt un schwenkt sien Taskendauk.

Dei olde Daome versöch datsülwige, dorbi pusselt dei Struuk hen un her. Dei eine krigg 'n in Nacken - dei annere in 't Gesicht, äöwer 'n Kopp - jüst - wo sei sick draiht un hollt. Uck mien Gesicht verschwind allmaols inne Blaumen, bit dei Damper afdraiht, dei Mann sick in 't Auto stett't un afföhrt. Do giff dei Daome sick taufrä. Dei Junge näben ehr nimmp den Struuk an sick, dat sei sick verhaolen kann. Dei klörigen Gladiolen harn miene leßden griesen Bedenken wegweidelt. Ick löt mi van dei fraidigen Menschen up 't Schipp mitrietten. Dei Sünne hülp dorbi, dat leßde Klütken wegtauschmelten.

Is dei Sünne nich faoken dei beste Kur för sowat? -

Un was ick nich innerlick all öwertügt, dat ick wunnerbore Daoge up den Landplacken verläben schull! - Wenn ick läöterhen in nette Sellskup in us Inselheim dei Extratour nao aal dei Anleger tau'n Besten geew un mennde, dat sowat bloß mi passeiern kunn - wüdd ick äöwerstimmt. Wat har dei Mann aohne sien Fernglas kieken kunnt! - Wo

---

